

**KONTAKIZUN LABURREN II. LEHIAKETA
ZURRUMURRUEN AURKA, SARTU ATERPEAN!
2018ko OINARRIAK**

Zurrumurruen aurkako kontakizun laburren lehiaketaren bigarren edizio honetan ere hitzari ahalmena ematen jarraituko dugu eta istorio bat idaztera gonbidatzen zaitugu, zein-nahi, non-nahitik zatozela eta nora-nahi zoazela. Kontakizun bereziak partekatu nahi ditugun ibiltariak gara.

Idatzi bizikidetza dibertsitatean bultzatuko duen bestelako istorio bat, migratzaileei buruzko iritzi negatiboak aldatzeko lagungarria izango dena; besteari, desberdina denari, beharbada oraindik ezagutzeko aukera izan ez duzun horri buruzko begirada berria ekarriko duena.

Migratzaileen irudipen berriak sortzera animatzen zaitugu; ausartu topikoak antzematen modu sortzailean lantzeko berriro, iraultzeko, buelta emateko galtzerdiak balira bezala, zure irudimena izan dadila plaza berriari argia egingo dion sugarra. Jabetu dakizunaz eta azaldu zer egin dezakezun zeure kontakizunekin, narratiba berriak sor ditzakezulako imajinario pertsonalean eta kolektiboan.

Kontatu, kontatu dibertsitatea, ezberdintasunaren ekarpena, esperientziak eta bizikidetza partekatzearen aberastasuna. Idatzi eta eraldatu zeure hiria.

Bilbo, kulturarteko hiria: atzerritarren aurkako aurreiritzirik, zurrumurrurik eta estereotiporik gabekoa.

Bilboko Udaleko Berdintasun, Lankidetzeta, Bizikidetzeta eta Jaietako Sailak, [Herritarren eta Aniztasunaren II. Udal Planaren](#) barruan, Zurrumurruen aurkako kontakizun laburren II. lehiaketa antolatu du, oinarri hauen arabera:

LEHIAKETAREN OINARRIAK

1. LEHIAKETAREN HELBURUA

Zurumurruen aurkako kontakizun laburren II. lehiaketa Bilboko Udalaren [Zurumurruen aurkako Proiektuaren](#) barruko ekintza da. Zurumurruen aurkako proiektua sentsibilizaziorako gizarte-estrategia bat da, Europa osoan garatzen dena. Atzerriko pertsonen aurkako estereotipo negatiboen eta zurumurruen aurka egiten saiatzen da, guztion bizikidetzari modu negatiboan eragiten diotelako. Horren helburua da sare bat sortzea eta sendotzea, kultura-aniztasunarekin, gizartearen kohesioarekin eta diskriminazioaren aurkako borrokarekin konprometitutako pertsonen eta erakundeen artean.

Aurkezten diren kontakizunetan proiektuaren gaiak helduko diete, proiektu horren zenbait eduki eta balio sartuta.

2. PARTE HARTZAILEAK

Nahi duten pertsona fisiko guztiek, 18 urtetik gorakoek, har dezakete parte, euren nazionalitatea edo bizilekua zein-nahi izanda ere.

3. GAIA

Zurumurruen aurkako edukiak eta balioak izango dira lehiaketaren gaiak: bizikidetzak, kulturartekotasuna, dibertsitatea, arrazakeriaren aurkako borroka, estereotipoak, aurreiritziak, zurumurruek, nortasuna, errespetua, elkarriketa, dibertsitatearen abantailak eta bere ekarpenak.

4. EUSKARAZ ETA GAZTELANIAZ

Hizkuntza modalitate bi daude: euskarazkoa eta gaztelaniazkoa. Ez da onartuko obra bere bi hizkuntzetan.

5. KONTAKIZUNEN EZAUGARRIAK

Lanak gehienez 4 orriko luzera izango dute eta Arial 12 edo antzeko letra-motan, tarte bikoitzarekin eta alde batetik idatziak izango dira. Originalak, argitaratu gabeak eta lehenago beste lehiaketa batzuetan sarituak izan ez diren kontakizunak izango dira.

6. AURKEZTEKO ETA BIDALTZEKO ERA

Kontakizunak era elektronikoan aurkeztuko dira, sarean egokitutako plataformaren bidez. Helbidea:

http://www.bilbao.eus/concurso_antirumor

Lanak helbide elektroniko horren bidez aurkezteko epea 2018ko irailaren 1ean hasi eta 2018ko irailaren 30ean amaituko da.

7. EPAIMAHAIA

Berdintasun, Lankidetzaz, Bizikidetzaz eta jaietako Sailak izendatutako hiru kidek osatuko dute epaimahaia. Epaimahaiari laguntza teknikoa emateko eta idazkaritzako eginkizunak betetzeko lanak Bilboko Udaleko Berdintasun, Lankidetzaz, Bizikidetzaz eta Jaietako Sailak izendatutako koordinatzaile batek eta Udaleko sail horretako teknikari batek egingo dituzte.

Bilboko Udaleko Berdintasun, Lankidetzaz, Bizikidetzaz eta Jaietako Sailak oinarri hauek interpretatu ahal izango ditu beharrezkoa bada, jarduteko arauak finkatu eta sariak emateko edota, behar denean, eman gabe uzteko ahalmen osoa izango du.

Emakumeen eta gizonen berdintasun eraginkorrari buruzko martxoaren 22ko 3/2007 Lege Organikoaren 53. artikuluan oinarrituta, eta , Bilboko Udalaren Andrazkoen eta Gizonezkoen Arteko Aukera Berdintasunerako IV. Planaren jarduera-printzipioekin bat etorrira, epaimahaiaren osaerak emakumeen eta gizonen presentzia orekatuaren printzipioari erantzungo dio.

8. BALORAZIO IRIZPIDEAK

Lehiaketara aurkeztutako kontakizunen balorazioa egiteko, irizpide hauek hartuko dira kontuan:

- Kontakizuna bat etortzea lehiaketaren gaiarekin: bizikidetzak, kulturartekotasuna, dibertsitatea, arrazakeriaren aurkako borroka, estereotipoak, aurreiritziak, nortasuna, errespetua, elkarrizketa, dibertsitatearen abantailak.
- Literaturaren arloko irizpideak: originaltasuna, prosaren kalitatea, argumentuaren bilakaera, erritmoa, gaiaren tratamendua etab. eta lehiaketa honen proposamenaren barruan epaimahaiak egokitzen jotzen dituen alderdi literario guztiak.

9. EPAIA

Epaimahaiak, epaia eman ondoren, saria emateko proposamena aurkeztuko dio Gobernu Batzordeari. Epaia irabazleei jakinaraziko zaie. Epaimahaiaren epaia apelaezina izango da eta epaimahaikideen gehiengo soilaren bidez hartua. Lehiaketa honetan parte hartzeak berarekin dakar oinarri guztiak onartzea.

Epaimahaiaren epaia irabazleei jakinaraziko zaie 2018. urtea amaitu baino lehen.

10. MODALITATEAK ETA SARIAK

Euskarazko kontakizunak:

1. saria: 350 euro, garaikurra, kontakizuna argitaratzea lehiaketaren edizio batean eta argitalpen horren 2 ale.

2. saria: 150 euro, garaikurra, kontakizuna argitaratzea lehiaketaren edizio batean eta argitalpen horren 2 ale.

Gaztelaniazko kontakizunak:

1. saria: 350 euro, garaikurra, kontakizuna argitaratzea lehiaketaren edizio batean eta argitalpen horren 2 ale.

2. saria: 150 euro, garaikurra, kontakizuna argitaratzea lehiaketaren edizio batean eta argitalpen horren 2 ale.

Garaikurra Iñaki Arce artistaren, izen bereko marrazketa eta pintura akademiako sortzailea eta irakaslea denaren, (esku-)lana da.

Finalistak: Zurrumurruen aurka, sartu aterpean! Kontakizun laburren II. Lehiaketan finalista geratu diren obren sorta bat aukeratu eta argitaratuko da.

11. Sari-banaketako ekitaldia

Sariak beren-beregi Bilbon antolatuko den ekitaldi publikoan banatuko dira irabazleei eta parte-hartzaileei garaiz jakinaraziko zaien egunean.

12. Argitaratzea

Saritutako lanak Bilboko Udalaren jabetzakoak izango dira eta bere gain hartuko du obra horiek erakusteko, kopiatzeko edo argitaratzeko eskubidea. Horrek ez du egile-eskubiderik sortzen, ezta eskatzeorik ere. Lanok Udalaren kultur ondarea gehitzeko direnez, ezingo dira ez saldu, ez erosi.

Saritutako eta aukeratutako kontakizunak “Zurrumurruen aurkako Kontakizunen II. Lehiaketa. Sartu aterpean!” izeneko liburuan argitaratuko dira. Liburu hori eskuragarri egongo da sariak banatzeko ekitaldian.

13. Azken xedapena

Oinarri hauetan aurreikusita ez dagoen zerbait gertatuz gero, ordezkotzaeraz, Udalaren eta zuzenbide publikoko bere erakundeen eta entitateen deialdiaren bidez diru-laguntzak emateko oinarriak arautzen dituen Ordenantza Orokorra aplikatuko da. Bilboko Udalbatzarrak 2016ko ekainaren 30ean onartu zuen eta 2016ko uztailaren 20ko 138 zenbakiko BAO on argitaratu zuten ordenantza orokor hori.